

卷十四

雜稽志

古蹟

陵墓

寺觀

重修臨潁縣志

重修臨潁縣志卷十四

邑令

陳垣 東園

陳俊 冊囊

重修

楊西桂 光辰

雜稽志

古蹟

陵墓

寺觀

古蹟

附景物

故事

巡蹟考

順治志余少嗜奇耽古而耳目所及不越夫戶牖之間是以攬輿圖而擷遺芳則心焉慕之矣彼其城邑宮館村皋之勝皆若有古
人存焉而何獨遺於臨潁乎雖往躅之所傳固有限也若夫鹿走

荒臺花埋幽徑虛亭敗壘蟲吟鳥啼則又令人徘徊而不忍觀矣
以故記夫若倉若城若陵若亭若池澤若堂若門若里庶幾披卷
而臥遊焉俯仰上下之間或不禁曠世而相感也志古蹟

漢臨潁故城在今治西北十五里

舊志臨潁故城在固廂堡去城十五里遺址尙存又
戴隋大業四年潁城圯於水南遷十五里即今治也

河南通志臨潁故城在縣西十五里漢時所築又名固廂城

參龍城在縣北十五里

左傳昭二十九年秋龍見於絳郊獻子問於蔡墨曰吾聞之蟲莫

知於龍以其不生得也謂之知信乎對曰人實不知非龍實知古者畜龍故國有豢龍氏有御龍氏獻子曰是二氏者吾亦聞之而不知其故是何謂也對曰昔有颺叔安有裔子曰董父實甚好龍能求其耆欲以飲食之龍多歸之乃擾畜龍封諸豸川豸夷氏其後也故帝舜氏世有畜龍及有夏孔甲擾於有帝帝賜之乘龍河漢各二各有雌雄孔甲不能食而未獲豢龍氏有陶唐氏既衰其後有劉累學擾龍於豢龍氏以事孔甲能飲食之夏后嘉之賜氏曰御龍氏以更豕韋之後龍一雌死潛醢以食夏后夏后饗之

既而使求之懼而遷於魯縣范氏其後也

杜預註不能致龍故懼遷魯縣自貶退也

又范宣子曰昔句之祖自虞以上爲陶唐氏在夏爲御龐氏

杜註謂劉累也

在商爲豕韋氏在周爲唐杜氏晉主夏盟爲范氏

竹書紀年帝孔甲夏后氏元年廢豕韋氏使劉累豢龍七年劉累

遷於魯陽

箋魯陽縣有魯山古魯縣御龍氏所遷續博物志劉累遷魯立堯祠於山一統志魯陽在汝州魯山縣東一百八十里

舊志在縣北十五里相傳夏孔甲時劉累蓄龍於此文獻通考輿地考曰臨潁有豢龍城豢龍之說史遷本左氏言之臨川黎氏詩曰孰云龍可豢可豢非眞龍足訂其誣矣

豐林按志考諸書皆云豢龍城在臨潁必有證據孫星衍偃師志載縣有豢龍巖有劉累城卽周時劉國括地志劉累故城在洛州緱氏縣西南五十五里乃劉累封之故地也後遷魯陽魏志太祖摻說楊奉曰京都無糧欲車駕暫幸魯陽魯陽近許轉運稍易可無縣乏之憂而竹書紀年箋注引劉累在魯山立堯祠又云魯陽在魯山東一百八十里亦未指明其地或曰周公朝宿之邑名曰魯城魯城之陽卽今臨潁縣地劉累遷此宜有豢龍之名此說蓋得之矣

殷湯城

舊志魏書地形志臨潁有殷湯城今莫詳所在

竹書紀年殷商成湯名履

箋按詩商頌譜云商契所封之地國語元王勤商十四世而興是其始稱商也竹書盤庚自奄遷于此家曰股元烏云股

受命咸宜是其履爲股也大明云殷商之旅蕩云咨女殷商是又總稱爲殷商也詩補傳曰股以澥水得名古澥水縣今陳州之商水也殷商兼商山澥水言之鄭氏通志曰澥水出陽城東至西華汝陽入於潁與潁水合流古人并謂潁爲股故命以殷焉

古城

或曰潁強故城

舊志在縣東南二十五里今入鄆境許州志云古城始建無考

豐林按凡土人呼爲古城而無別名稱者當卽其縣之故城也自

潁彊併入臨潁考其疆域當在今治東南大清一統志載之而舊志無聞焉今卽以古城謂之潁彊故城可也

商高宗城

舊志縣東三十里相傳高宗捕蝗至此旁停靈城卽高宗崩處今有高宗廟明末土人築寨避兵因名高宗寨

通鑑王武丁五十有九祀王崩葬西華廟號高宗

殷高宗陵在今陳州府西華縣宋太祖初給守陵戶

河南通志商高宗城在臨潁東南三十里相傳高宗巡狩過此

窩城

舊志縣東北三十五里

豐林按舊志有商高宗城有窩城無商城而大清一統志載有商城無窩城窩字與商字形似或卽傳寫之訛耳

張遼城

舊志不載今增入

豐林按去窩城北里許有故壘荒殘土人呼爲張遼城魏志趙儼傳時于禁屯潁陰樂進屯陽翟張遼屯長社諸將任氣多共不協使儼并參三軍每事訓諭遂相親睦又張遼傳以遼爲盪寇將軍復別擊荊州定江夏諸縣還屯臨潁封都亭侯今張遼城卽其地

也

東西二武城 博望城

豐林按舊志云魏書地形志潁陰有東西二武城有博望城今無考許州志云城在潁陰亦據魏書爲言耳水經注潁水又逕東西二武亭間兩城相對疑是古之岸門史遷所謂走犀首于岸門其地是也

黃連城

舊志縣東南二十里曹魏時築

大清一統志黃連城在臨潁縣東南二十里有上下二城接鄆城西華兩縣界相傳曹魏時築

豐林按唐書李光顏傳裴度討吳元濟築赫連城以觀賊勢又王沛傳渡合流口扼賊喉而成城其地當在臨潁東南焉知此城非裴度王沛之所築耶

停靈城

明末更名平甯

舊志相傳爲商高宗停靈處縣東三十五里地最竄下爲潁諸水積渚明季孝廉崔攀龍率居民築寨避兵改名平甯城

按水經注京相璠曰臨潁縣東北二十五里有故巨陵亭古大陵也其水東積而爲陂謂之宣梁陂也陂水又東南入潁水潁水卽今之清清河停靈疑卽巨陵之訛也

大陵

舊志縣北十里春秋鄭厲公自櫟侵鄭及大陵獲傅瑕酈道元水經注曰大陵卽巨陵在臨潁其地屬鄭又漢太傅陳蕃去光祿勳還道巨陵亭從者與亭卒相毆卽此

抵高倉

相傳商高宗築以白馬將軍領至
今址猶存廟在葛伯城東南隅

臨川黎氏曰按選詩曹植有贈白馬王詩王名彪操子植弟曹魏
經略四方屯田許下焉知倉非其所築與又白馬令李雲上書曰

許昌氣見於當塗高當塗

高者魏也云云則抵高倉爲曹魏而非商高亦見矣其將軍或未封所稱中否則爲李雲耶

葛伯城

舊志在縣東北王堡相傳葛伯所築

豐林按史記殷本紀湯征諸侯葛伯不祀湯始伐之裴駰集解孔
安國曰爲夏方伯得專征伐孟子曰湯居亳與葛爲鄰漢書地理
志葛今梁國寧陵之葛鄉魏書地形志臨潁有葛邱而此名葛伯

城傳聞失據不得其詳矣

紂城旁有青陵城有摘星樓

舊志紂城在縣西南相傳紂築旁有精靈城爲妲己隨幸所居今有看花臺蓮花池摘星樓遺址蓮花池形似曲尺俗名曲尺河至今菱藕生焉又一在南王上保其形似蓮花故名

豐林按舊志臨川黎氏頗疑其說妄誕河南通志載有摘星樓去臨潁西南四十里大清一統志鄆城縣西北五十里有青陵城正與紂城爲界或精靈卽青陵之訛元和十二年李光顏討吳元濟

渡澱水圍青陵以絕郾城歸路其地是也

繁昌故城有繁昌臺有公卿將軍上尊號奏受禪表二碑

舊志卽今繁城魏受漢禪於此有壇二及上尊號受禪二碑

豐林按繁昌故城在今治西北三十里魏王不受終於曲蠡之繁陽亭爲縣曰繁昌是也述征記繁昌有臺高七丈方五十步南有臺高二丈方三十步卽魏受終壇水經注繁昌城內有三臺時人謂之繁昌臺前有二碑寰宇記二碑並鍾繇書今二碑巍然字跡多漫漶臨穎舊無金石特由石索附錄其文以備觀覽

公卿將軍上尊號奏

碑高漢尺八尺四寸廣四尺六寸前面二十二行碑陰十行行俱四十九字合爲一篇額尖無華飾篆文刻公卿將軍上尊號奏八

字毋文在繁城鎮漢獻帝廟中

相國安樂鄉侯臣欽太尉都亭侯臣詡御史大夫安陵

亭侯臣朗使持節行都督督軍車騎將軍陳侯臣仁輔國將軍清

苑鄉侯臣若虎牙將軍南昌亭侯臣輔輕車將軍都亭侯臣忠冠

軍將軍好畤鄉侯臣秋渡遼將軍都亭侯臣柔衛將軍國明亭侯

臣洪使持節行都督督軍鎮西將軍東鄉侯臣眞使持節行都督

督軍領揚州刺史征東將軍安陽鄉侯臣休使持節行都督督軍

征南將軍平陵亭侯臣尙使持節行都督督軍徐州刺史使鎮東將

軍武安鄉侯臣霸使持節左將軍中鄉侯臣邵使持節右將軍建鄉侯臣晃使持節前將軍都鄉侯臣遼使持節後將軍華鄉侯臣靈匈奴南單於臣泉奉常臣貞郎中令臣洽衛尉安國亭侯臣昱太僕臣夔大理東武亭侯臣繇大農臣霸少府臣林督軍御史將作大匠千秋亭侯臣照中領軍中陽鄉侯臣楙中護軍臣陟屯騎校尉都亭侯臣祖長水校尉關內侯臣凌步兵校尉關內侯臣福射聲校尉關內侯臣質振威將軍涅鄉亭侯臣題征虜將軍都亭侯臣觸振武將軍尉猛亭侯臣當忠義將軍樂鄉亭侯臣生建節